

ՍՈՑԻԱԼԻՍՏ-ՀԵՂԱՓՈԽԱԿԱՆՆԵՐԸ ՀԱՅԱՍՏԱՆՈՒՄ ԵՎ ԱՆԴՐԿՈՎԿԱՍԻ
ՀԱՅԱՇԱՏ ՔԱՂԱՔՆԵՐՈՒՄ (1903—1920 թթ.)

Ս. Ն. ՄԵԼԻՔՅԱՆ

Քաղաքական կուսակցությունների պատմության քննությունը պատմագիտության կարևորագույն հիմնահարցերից է։ Գիտական և պրակտիկ առումով մեծ հետաքրքրություն է ներկայացնում հատկապես ամենաղանդվածակիին՝ մանրբյուրմուկական սոցիալիստ-հեղափոխականների (էսէռների) կուսակցության գործունեության ուսումնասիրությունը։

Անդրկովկասում սոցիալիստ-հեղափոխականների կուսակցության գործունեությունը սկսվել է 1900—1902 թթ.՝ երկրամասի համեմատաբար խոշոր քաղաքներում, մասնավորապես Բաքվում և Թիֆլիսում¹։ Սակայն այդ տարիներին նրանց կազմակերպված գործունեության մասին խոսելը սխալ կլինի, քանի որ սոցիալիստ-հեղափոխականների կուսակցության պատկանող անհատ պրոպագանդիստ գործիչների աշխատանքը ցանկալի արդյունք չունեին և ընթանում էր փոփոխական, կարճատև հաջողություններով։

էսէռական առաջին կազմակերպված խմբակները Անդրկովկասում սկսեցին գործել միայն 1903 թվականից²։ Սկզբնական շրջանում էսէռների հարաբերական թուլության կարևոր պատճառներից մեկն այն էր, որ Անդրկովկասում անցյալ դարի վերջերին և XX դ. սկզբին հանդես եկան կուսակցություններ, որոնք թեպետև հիմնականում ազգային ուղղվածություն ունեին, բայց միաժամանակ իրենց վրա էին վերցրել Ռուսաստանում գործող էսէռական կուսակցության ֆունկցիաները³։

Դրան զուգահեռ պետք է ընդգծել նաև այն, որ եթե, մի կողմից, նշված կուսակցությունների գոյությունն արգելակում էր էսէռների գործունեության ընդլայնմանն ու խորացմանը, ապա, մյուս կողմից, այդ կուսակցությունները, մինչև էսէռների Անդրկովկասում հայտնվելը, բավականին աշխատանք էին տարել բանվորների ու գյուղացիների զգալի մասին իրենց շուրջը համախմբելու համար։ Դա նկատի ունենալով, սոցիալիստ-հեղափոխականների կուսակցության կենտկոմի անդրկովկասյան լիազորը կենտկոմին ուղղված հաշվետվության մեջ նշում է. «Սոցիալիստ-հեղափոխականների կուսակցության աշխատանքը Անդրկովկասում, ինչպես հայտնի է, մասսաների մեջ սկսվել է ավելի ուշ, քան սոցիալ-դեմոկրատներինը։ Բաքվի, Թիֆլիսի, Բաթումի բանվորների մեծ մասն ընդգրկված էր սոցիալ-դեմոկրատական շարժման մեջ։ Կովկասում տարվող մեր աշխատանքում մեզ մեծապես օգնել են հայկական Դաշնակցություն և վրացական սոցիալիստ-ֆեդերալիստների կուսակցությունները։ Առաջինը նրանով, որ ետ է պահել հայ աշխատավորությանը սոցիալ-դեմոկրատիայի ազդեցությունից, իսկ երկրորդը միավորել է վրացական սոցիալիստ-հեղափոխական մտավորականությանը և կարողացել է վրացերեն լեզվով ստեղծել մեծաքանակ էսէռական գրականություն»⁴։

Անդրկովկասի էսէռական կազմակերպությունների գործունեության մասին զգալի տեղեկություններ են պարունակում ժանդարմական վարչության

¹ Партийные известия, 5. V. 1907.

² А. И. Спиридович, Партия социалистов-революционеров и ее предшественники, 1886—1916, Пгр., 1918, с. 93.

³ Նկատի ունենալով 22 Դաշնակցությանը, վրաց ֆեդերալիստներին և մենչևիկներին։

⁴ Партийные известия, 5. V. 1907.

արձանագրությունները: Ձևայած էսէռական կազմակերպությունների խիստ զաղտնապահությանը, երբեմն նրանց շարքերն էին թափանցում ժանդարմերի և լրտեսների, որոնք և մեծ դեր էին խաղում կազմակերպությունների հայտնաբերման և կազմակերպվող գործողությունների, հատկապես տեղորիսական ակտիվի ձախողման պործում:

1903 թ., բացի Թիֆլիսից և Բաքվից, էսէռական խմբակներ էին գործում նաև Կարսում, Ալեքսանդրապոլում, Քութայիսում, Սուխումում, Երևանում և այլուր, սակայն նրանք փոքրաթիվ էին, և նրանց գործունեությունը սահմանափակվում էր միայն նեղ խմբակի շրջանակներում: 1903—1905 թթ. ընկած ժամանակահատվածում էսէռների գործունեության հիմնական նպատակն ուղղված էր այն բանին, որպեսզի «նվաճեն Կովկասը» արգեն կազմակերպված սոցիալ-դեմոկրատիայից: Այդ նպատակի իրագործման ճանապարհին էսէռները ձգտում էին միասնական բոլոր ստեղծել հայկական Դաշնակցության և վրացական սոցիալիստ-ֆեդերալիստների հետ:

«Կովկասի նվաճումը» հեղափոխական սոցիալիշմի համար,—գրում է կենտրոնական «Պարտիզինի իզվեստիա» թերթը,—գործել է կուսակցությունը, և նրա դադապարախոսների խնդիրներից մեկը, որոնք, իհարկե, չէին կարող հասկանալ Կովկասում մարտիչում էություն, խիղախ, միլիոնանոց բանակի ստեղծման ռազմավարական խոշոր նշանակությունը: Այդ նպատակով սոցիալիստ-հեղափոխականների կուսակցության կենտկոմը ժամանակ առ ժամանակ Կովկաս էր ուղարկում հատուկ լիազորներ, որոնց անմիջական նպատակը տեղում կուսակցական կազմակերպություններ ստեղծելը և միաժամանակ էր: Ցարական պահպանողական բաժանմունքը հայտնում էր, որ 1904 թ. Վրենքերին արտասահմանից, որպես էսէռների կուսակցության արտասահմանյան կոմիտեի լիազոր, Կովկաս է ժամանել հայտնի տարագիր Վլադիմիր Վոլսկին, որի նպատակն է «Կովկասում բարձրացնել սոցիալիստ-հեղափոխականների կուսակցության գորշը»: Նա նպատակ ուներ նաև ժամանել էսէռական կուսակցությունը, տեղի ազգային հեղափոխական կազմակերպությունները և հայկական դրոշակիստներին (Դաշնակցությանը—Ս. Մ.)»⁵: Նույն նպատակով 1904 թ. Պետերբուրգից Թիֆլիս է ժամանում սոցիալիստ-հեղափոխականների կուսակցության կենտկոմի անդամ, հայտնի Միները: 1904 թ. էսէռական կազմակերպություններ են ստեղծվում Շուշիում և Շիրակիում: Փետրվարին Շուշիի ռեալական ուսումնարանի բարձր դասարանցի աշակերտները կազմակերպում են էսէռական խմբակ և հեկտոգրաֆով բազմացնում և լրացրելներ:

Ցարիզմի քաղաքականությունն Անդրկովկասում 1900—1905 թթ. աչքի էր ընկնում մի շարք հետադիմական միջոցառումների իրագործմամբ: Էսէռները և մյուս հատկապես ազգային, կուսակցություններն ամեն կերպ աշխատում էին օգտագործել առիթը՝ իրենց քաղաքականության հիմնավորման և ժողովրդի աչքում հեղինակություն ձեռք բերելու նպատակով: 1903 թ. հունիսի 12-ին Նիկոլայ II-ը հաստատում է հայ եկեղեցապատկան հոշերը և գույքը բռնազրավելու վերաբերյալ օրենքը, որը ոտնահարում էր ոչ միայն հայերի կրոնական զգացմունքները, այլև հայ ժողովրդի քաղաքական ու մշակութային շահերը: Օգտագործելով հարմար առիթը, ծավալված համաբնական շարժումը, հայ ժողովրդի արդարացի զայրույթը դարձրին հեղափոխական քաղաքականության դեմ, դաշնակցական և հնչակյան էմիսիաները, ժողովրդական զանգվածներին պայքարի մղելուց բացի, բիմեդին նաև ահաբեկչական գործողություններ: Անդրկովկասի էսէռական կազմակերպություններն իրենց համերաշխությունը հայտնելով հայկական կուսակցություններին

⁵ Նույն տեղում:

⁶ Վոսստանի Հանրապետության պատմության կենտրոնական պատմական արխիվ (այսուհետև՝ ՎՀ ՊԿԱ), ֆ. 12, ց. 13, գ. 655, թ. 6:

ահաբեկման քաղաքականությանը, օգտագործեցին պատեհ առիթը նաև իրենց դադափարների և տակտիկայի պրոպագանդան համար՝ Այս կապակցությամբ Բաքվի սոցիալիստ-հեղափոխականների կազմակերպությունը 1903 թ. նոյեմբերի 1-ին տարածեց մի թուղթիկ, որտեղ ասվում էր. «Մենք՝ ռուս, վրացի և մյուս աղգությունների պատկանող բանվորներս, պետք է օժանդակենք հայ ընկերներին նրանց համար ստեղծված պայքարի այս ծանր միջոցին, մեր ընդհանուր թշնամու՝ ինքնակալության դեմ»⁷։

1905 թ. փետրվարին Անդրկովկասում գործող Բաքվի, Թիֆլիսի, Քութայիսի և Բաթումի էսէռական կոմիտեները միավորվեցին, ստեղծելով սոցիալիստ-հեղափոխականների կուսակցության կովկասյան միությունը՝ իրեն եռթևակ մարտական դրուժնաներով, որոնց անմիջական նպատակը ահաբեկչական ակտերի իրագործումն էր։

1905 թ. ընթացքում լավականին աշխուժացում է նկատվում Անդրկովկասի այլ հայաշատ քաղաքներում գործող էսէռական կազմակերպությունների կյանքում։ 1905 թ. սկսում է գործել Երևանի էսէռական կազմակերպությունը։ Այդ մասին հիշատակվում է 1917 թ. ապրիլին Թիֆլիսում կայացած Սոցիալիստ-հեղափոխականների անդրկովկասյան մարզային համագումարում Երևանի կազմակերպության ներկայացուցիչ Տեր-Հակոբյանի ելույթում. նրանում ասված է. «էսէռական կազմակերպության գործունեության սկիզբը վերաբերում է 1905 թ., երբ «Դաշնակցություն» կուսակցությունից ղեկավար հեղափոխական-սոցիալիստական տարրերը հեռացան այդ կուսակցությունից և մի քանի էսէռ ուսանողների հետ հիմնեցին իրենց կազմակերպությունը»⁸։

1905 թ. հաջողվում է էսէռական կազմակերպություն ստեղծել Ելիզավետպոլում։ 1905—1907 թթ. ընթացքում Անդրկովկասում կազմակերպվում են հայկական, վրացական, հունական, օսեթական, ադրբեջանական և այլ ազգային էսէռական կազմակերպություններ, որոնք իրենց մասնաճյուղերն են ստեղծում Բաքվում, Թիֆլիսում, Երևանում, Քութայիսում, Կարսում, Ելիզավետպոլում, Ալեքսանդրապոլում, Շուշիում, Բաթումում և Կրիլաթայի այլ քաղաքներում։

1907 թ. օգոստոսի 16—20-ը Թիֆլիսում տեղի ունեցած Անդրկովկասի սոցիալիստ-հեղափոխականների մարզային համագումարի տվյալներով, ըստ ազգային պատկանելության, առաջին տեղում էին միացյալ, գլխավորապես ռուսական (մոտ 2500 անդամներ), այնուհետև հայկական (մոտ 1200 անդամներ), ապա մյուս ազգային կազմակերպությունները՝ վրացական, օսեթական, հունական, ադրբեջանական (միասին մոտ 500 անդամ)։

Սոցիալիստ-հեղափոխականների կուսակցության անդամների թիվը Անդրկովկասում 1907 թ. հասնում էր 4000-ի⁹։

1907 թ. Անդրկովկասի էսէռականության կյանքում տեղի ունեցած կարևոր իրադարձություններից մեկը սոցիալիստ-հեղափոխականների կուսակցության հայ կազմակերպության ստեղծումն էր, որի նախաձեռնությունն իրենց ձեռքն էին վերցրել այսպես կոչված «անջատականները» կամ «երիտասարդ դաշնակցականները», որոնք Լևոն Աթաբեկյանի (Ռիխարդ) և Արսեն Ամիրջանի գլխավորությամբ 1906 թ. հեռացել էին «դաշնակցություն» կազմակերպությունից¹⁰։ Սակայն «երիտասարդ դաշնակցականները» նպատակը, ոչ թե «դաշնակցության» մերժումն էր, այլ նրա «բարենորոգումը» էսէռական երանգներով, այդ կուսակցության գործունեության հարմարեցումը կովկասահայ ռեալ իրականությանը և տվյալ ժամանակաշրջանի պահանջներին։ Առաջադրվում էին ավելի ձախ ծրագիր և ճկուն տակտիկա։

⁷ Революционная Россия, 1. XI. 1903.

⁸ ՎՀ ՊԿՊԱ, ֆ. 83 ս, ց. 1, գ. 37, թ. 11.

⁹ Знамя труда, Тбилиси, 11. IV. 1917.

¹⁰ Նույն տեղում, 12. IX. 1907.

¹¹ Միջալի Վարդանյան, Հ.Յ. Դաշնակցության պատմություն, հ. Բ, Թեհրան, 1981, էջ 162.

Այսպիսով, 1907 թ. հունիսին Բաքվում ձևավորվեց Սոցիալիստ-հեղափոխականների կուսակցության հայ կազմակերպությունը՝ ռուսական սոցիալիստ-հեղափոխականների կուսակցության հայկական մասնաճյուղը: Բաքվի էսէռների հայ կազմակերպությունը 1907 թ. իր շարքերում ընդգրկում էր 670 անդամ, իսկ Թիֆլիսին՝ 200¹²: Հնդհանրապետ Անդրկովկասում գործող բոլոր հայկական էսէռական կազմակերպությունները միասին իրենց շարքերում ընդգրկում էին 1200 անդամ:

Հայ էսէռական կազմակերպությունում, բայի Լևոն Աթաբեկյանից, ակտիվ դեր էին կատարում Վ. Միլախորյանը, Վ. Խորխորունին, Գ. Մելիք-Շահ-նազարյանը, Գ. Բազադ-Աղաջանյանը, Բյուզանդը և ուրիշներ: 1903 թ. մարտից Բաքվում սկսում է լույս տեսնել էսէռների հայ կազմակերպության «Անիվ» շաբաթաթերթը, որի խմբագիրը Գրիգոր Բաղադ-Աղաջանյանն էր¹³:

Էսէռների գործունեությունը 1910—1914 թթ. սահմանափակվում էր գաղտնի հավաքների կազմակերպմամբ, թուղթիկների և կոչերի հրատարակմամբ: Ոստիկանության հետապնդումների հետևանքով հայտնաբերվում են բազմաթիվ կազմակերպություններ, իսկ Բաքվում 1910 թ. ապրիլին բռնադրվում է էսէռների տպարանը: «1910 թ. կեսերին, ոստիկանության հետապնդումների հետևանքով, կազմակերպությունը մնաց առանց մտավորական-նորմալ սերկալացուցիչների, առանց տպարանի, առանց որևէ կապերի և գիտելիքի...»¹⁴: Ինչպես հաղորդում էր Բաքվի ոստիկանությունը Կովկասի փոխարքային ուղղված զեկուլյացրում, Բաքվի կազմակերպության կենտրոնը 1911 թ. Մարիա Սունդուկյանցի «Սոտրուկներ» դրախտանովն էր, որտեղ հավաքվում էր կազմակերպության ղեկավար կազմը¹⁵:

Առաջին աշխարհամարտի տարիներին էսէռների դիրքերն Անդրկովկասում բավականին թուլացան: Նոր պայմաններում նրանց կազմակերպություններից մի քանիսը շրիմացան և ջախջախվեցին: Անդրկովկասի էսէռական բազմաթիվ գործիչներ ձերբակալվեցին և արտոբանդեցին Ռուսաստանի հեռավոր շրջանները: Նրանց մի մասը բռնեց արտաքաղթի ուղին: Օրինակ, Վ. Լուկկիչը (Վ. Արարատսկի), աղտասահման գնալով, սկսեց աշխատակցել Փարիզում լույս տեսնող «Օտկլիկի ժիզնի» էսէռական թերթին¹⁶: Հատուկ նշան էսէռական կազմակերպություններ պահպանվեցին Բաքվում, Թիֆլիսում, Երևանում, Բաթումում, Կարսում և այլ քաղաքներում:

Անդրկովկասում սոցիալիստ-հեղափոխականների կուսակցությունն «իր եղբորորդ Ժնոնդն» ապրեց 1917 թ. փետրվարյան հեղափոխությունից հետո, երբ նրա պատմության մեջ սկսվեց, ինչպես իրենք՝ էսէռներն էին գրում, աննախադեպ և «փառավոր» մի շրջան:

Սոցիալիստ-հեղափոխականների կուսակցությունը 1917 թ. դարձան դարձավ Ռուսաստանի զանգվածային կուսակցություններից մեկը: Էսէռները սկսեցին ակտիվորեն մասնակցել երկրամասի քաղաքական կյանքին, հատկապես, երբ մեծամասնություն ստացան նոր ձևավորվող բանվորների, զինվորների և գյուղացիների պատգամավորների խորհուրդներում ու քաղաքային ինքնավարության մարմիններում: Նրա մասնաճյուղն էսէռների ազդեցության փաստերից են, օրինակ, այն, որ ինչպես նշում է Ա. Մուսվաթյանը, Կարսի քաղաքագլուխ է ընտրվում սոցիալիստ-հեղափոխական Տեր-Ներսիսյանը կամ Թիֆլիսի ու Գանձակի օղաքագլուխ օջանականներ են ընտրվում դարձյալ սոցիալիստ-հեղափոխականներ¹⁷:

¹² Знамя труда, Тбилиси, 12, IX, 1907.

¹³ Անիվ, 8. VII, 1908.

¹⁴ Знамя труда, Париж, 1912, сентябрь.

¹⁵ Աղբյուրների Հանրապետության պատմության կենտրոնական պատմական արխիվ, փ. 46, ց. 3, գ. 178, թ. 14.

¹⁶ Отклики жизни, Париж, 1916.

¹⁷ Ասքան ազ Մուսվաթյան, Հոգվածներ և ճառեր (1913—1929), Երևան, 1961, էջ 121.

Ստանալով լեզու աշխատանքի լայն հնարավորություններ՝ Անդրկովկասի էսէռները ձեռնամուխ եղան տեղական նոր կազմակերպությունների ստեղծմանը, ներկուսակցական կյանքի վերակառուցմանը: 1917 թ. ապրիլի 2-ից սկսեց լույս տեսնել սոցիալիստ-հեղափոխականների կուսակցության Թիֆլիսի կազմակերպության կոմիտեի օրգան «Ջնամյա տրուդա» թերթը:

1917 թ. ապրիլի 7-ին Թիֆլիսի հայկական Գալանյան դպրոցի շենքում իր աշխատանքներն է սկսում սոցիալիստ-հեղափոխականների կուսակցության մարզային համագումարը¹⁸, կազմակերպչական հանձնաժողովի՝ այդ օրերին հրատարակած հաշվետվությունից տեղեկանում ենք, որ էսէռական կուսակցության կոմիտեներ էին գործում Բաքվում, Թիֆլիսում, Ելիզավետպոլում, Երևանում, Կարսում, Սարիղամիշում, Տրապիզոնում, Քութայիսում, Ալեքսանդրապոլում, Վանում և այլն: էսէռական խմբակներ էին գործում Շուշիում, Գորիում, Փոթիում, Էրզրումում և այլ քաղաքներում:

Հոկտեմբերյան հեղաշրջման լուրը խուճապ առաջացրեց նաև Անդրկովկասի էսէռականության շարքերում: Նրանք այլևս չէին ցանկանում թաքցնել իրենց բացասական վերաբերմունքը բոլշևիկյան կուսակցության նկատմամբ. «Մենք միշտ բացասական վերաբերմունք ենք ունեցել բոլշևիզմի նկատմամբ,—արդեն առանց թաքցնելու գրում էր «Ջնամյա տրուդա»:¹⁹ Եվ մեր դիրքորոշումն այդ հարցում ճիշտ է եղել՝ արդարացի է կյանքում²⁰:

Ելնելով իրենց ծրագրային այն դրույթից, որ Ռուսաստանը սոցիալիստական հեղափոխությանը կմոտենա, սակայն ոչ միանգամից, այլ երկար տարիներ անց, էսէռները Հոկտեմբերյան հեղաշրջումը որակեցին որպես «հակահեղափոխական ակտ»:²¹ Ռուսական հեղափոխական դեմոկրատիայի համար մի հանգամանք պարզ է եղել միշտ,—գրում էր «Աշխատանքի դրոշակը»,—և այժմ էլ պարզ է, որ ռուսական այժմյան հեղափոխությունը սոցիալիստական չէ, որ խոսք չի կարող լինել սոցիալիստական հեղափոխության մասին մի երկրում, ուր 80 %-ը անգրագետ են և քաղաքացիորեն անպատրաստ»²²:

Բաքվի էսէռական աչքի ընկնող գործիչներից մեկը՝ Սաքո Սահակյանը, շթաքցնելով իր ատելությունը բոլշևիկյան կուսակցության հանդեպ, նշում էր, որ «բոլշևիկների արկածախնդրական մարտավարությունը ոչ պրոլետարական և ոչ էլ դեմոկրատական է»:²³ Բոլշևիկներին նա որակում էր որպես «դավադիրներ», որոնք հենվում են «ոչ թե պրոլետարիատի, այլ թիկունքի բարոյագուրկ ուժերի վրա»²⁴:

Երկրում տեղի ունեցող լուրջ քաղաքական իրադարձություններն իրենց խոր կնիքը դոնեցին նաև էսէռական կուսակցության գործունեության վրա: 1918 թ. առաջին ամիսներին ավելի խորացավ սոցիալիստ-հեղափոխականների կուսակցության ներքին ճգնաժամը: Այդ էսէռների հեղինակությունը երկրամասում գրեթե ամբողջովին ընկել էր: Ձախ էսէռները, որոնց դիրքերը ղգալիորեն ամրապնդվել էին Անդրկովկասում, հանգես էին գալիս արմատապես տարբերվող հարցադրումներով: Ձախ էսէռների Բաքվի կազմակերպության ղեկավարներից մեկը՝ Ի. Սուխարցևը, «Եղվեստիա» թերթում հրատարակած «Մեծ պատակում» հոդվածում գրում էր. «Պատակումը հասավ և Բաքու: Բաքվի, ինչպես նաև մյուս արդյունաբերական շրջանների ձախ էսէռական կազմակերպությունն իր գործունեությունը նոր է սկսել: Բայց այն արդեն ուժ ունի, Բաքվի պրոլետարիատի հսկայական մասը դնում է նրա հտնից»²⁵: Բաքվի նորընտիր խորհրդում ձախ էսէռների թիվը հասնում էր 38-ի (բոլշևիկներին՝ 51-ի, աջ էսէռներին՝ 21-ի, մենշևիկներին՝ 11-ի)²⁶:

¹⁸ Знамя труда, Тбилиси, 9. IV. 1917.

¹⁹ Նույն տեղում, 19. XI. 1917.

²⁰ Աշխատանքի դրոշակ, 5. XI. 1917.

²¹ Знамя труда, Тбилиси, 29. XI. 1917.

²² Известия бакинского совета, 4. I. 1918.

²³ Աշխատանքի դրոշակ, 5. V. 1918.

Ձախսէտական կազմակերպություններ էին ստեղծվում նաև Թիֆլիսում, Բաթումում, Կարսում, Ալեքսանդրապոլում և այլ քաղաքներում: 1918 թ. սկզբներին իր գործունեությունն է ակտիվացնում էսէռների կուսակցության հայ կազմակերպությունը:

Հունվարի 18-ին Թիֆլիսի III արական գիմնազիայի շենքում իր աշխատանքներն է սկսում հայկական կազմակերպությունների ներկայացուցիչները համագումարը²⁴:

1918 թ. ապրիլի 9 (22)-ին Անդրկովկասյան սեյմի երկրամասը հռչակեց «անկախ» «Դեմոկրատական Ֆեդերատիվ հանրապետություն»²⁵: էսէռները, նկատի ունենալով Անդրկովկասի ազգաբնակչության մեծամասնության հակաթուրքական տրամադրությունները, դեմ արտահայտվեցին Անդրկովկասի անկախությանը: Լ. Թումանյանը, հանդես գալով էսէռական կուսակցության անունից, նշեց, որ Անդրկովկասի ժողովուրդները երբեք չեն մտածել անջատվել Ռուսաստանից, որ «անկախության» հռչակումը բխում է «թուրք իմպերիալիստների» շահերից:

1919 թ. օգոստոսի 1-ին բացվում է Հայաստանի Հանրապետության խորհրդարանը: «Մյուս քաղաքական կուսակցություններից,—գրում էր Հովհ. Քաջազնունին,—ներկա էր միայն սոցիալիստ-հեղափոխականը, որը գրավել էր ընդամենը շուրս տեղ»²⁶: Հայաստանի խորհրդարանի էսէռական ֆրակցիայի անդամներն էին Ա. Խոնդկարյանը (նախագահ), Լ. Թումանյանը, Ս. Զուբյանը և Կ. Մինախորյանը²⁷:

Հայաստանում 1918—1920 թթ. ընկած ժամանակահատվածում համեմատաբար խոշոր էսէռական կազմակերպություններ էին գործում Երևանում, Ալեքսանդրապոլում և Դիլիջանում: Նշված ժամանակաշրջանում էսէռական կազմակերպությունների և էսէռական խորհրդարանական խմբակցության գործունեության վերաբերյալ Ա. Մուվյանը գրում էր. «Սոցիալիստ-հեղափոխականների տակտիկան Հայաստանում այդ շատ հետաքրքիր խնդիր է, բայց նա բարդ չէ: Այդ տակտիկան եղել է լեզալ, օպոզիցիոն կազմակերպության տակտիկան, որը պայմանավորվում է այդ կուսակցության ունեցած սոցիալ-քաղաքական կշռով երեքի կյանքում: ...Ճնշող դաշնակցական մեծամասնություն ունեցող Հայաստանի խորհուրդը, ապա պառլամենտն առանց մեծ վրդովմունքի լուծում էին էսէռական օպոզիցիայի ասեղային հարվածները, հարվածներ, որ երբեք չէին սպառնում դաշնակցականների քաղաքական գերիշխանությունը»²⁸: Այդ նկատի ունենալով Հովհ. Քաջազնունին, երբ գրում էր. «Ձէինք հասկանում, որ մեր սեփական դաստիարակության համար մեծ կարիք ունեինք, որ մի գործող օպոզիցիա կանգնած լիներ մեր կողքին, միշտ զգաստ պահեր մեզ, ի կարգ հրավիրեր և թույլ չտար, որ դուրս գալինք օրենքի ու իրավասության սահմաններից»²⁹:

Խորհրդարանի էսէռական խմբակցությունը իրեն ակտիվորեն դրսևորեց հատկապես 1921 թ. փետրվարյան ապստամբության ժամանակ: «Հայրենիքի փրկության կոմիտեի» մեջ որպես խնամատարության և արդարադատության գործերի վարիչներ նշանակվեցին էսէռներ Վահան Մինախորյանը և Արշամ Խոնդկարյանը:

Փետրվարյան ապստամբության ճնշումից հետո նրանք հեռացան արտասահման: Շարքային շատ էսէռներ կամ մտան բոլշևիկյան կուսակցության շարքերը, կամ պարտավորվեցին օրինապահ դիրք գրավել խորհրդային

24 Знамя труда, Тбилиси, 7. IV. 1918.

25 Նույն տեղում:

26 Հովհ. Քաջազնունի, Հ. Ց. Դաշնակցությունը անելիք շունի ալևա, Վիեննա, 1923, էջ 37—38:

27 Սոցիալիստ-հեղափոխական, 11. IV. 1920:

28 Ասքանազ Մուվյան, նշվ. աշխ., էջ 137—138:

29 Հովհ. Քաջազնունի, նշվ. աշխ., էջ 38:

կարգերի նկատմամբ: Շատերն իրենց կյանքի մի մասը անցկացրեցին բանտերում և աքսորներում, իսկ ովքեր մնացել էին հայրենիքում, տանջամահ արվեցին ստալինյան աքսորավայրերում:

Այսպես՝ անփառունակ, պատմության ասպարեզից հեռացավ մի կուսակցություն, որը մարտնչեց ջարդմի տապալման համար, ուներ սոցիալիզմի կառուցման իր ծրագիրը, որը սակայն, չիրագործվեց, բռնկված կուսակցության վարած քաղաքականության՝ միակուսակցական կառավարման համակարգի ոչ դեմոկրատական պայմաններում:

СОЦИАЛИСТЫ-РЕВОЛЮЦИОНЕРЫ В АРМЕНИИ И АРМЯНОНАСЕЛЕННЫХ ГОРОДАХ ЗАКАВКАЗЬЯ (1903—1920 гг.)

С. Г. МЕЛИКЯН

Резюме

Первые эсеровские организации в Закавказье появились в 1903—1905 гг. в Тифлисе, Ереване, Баку и других городах края.

Эсеровская партия не жалела сил для создания своих организаций среди многонационального населения Закавказья. В период 1905—1907 гг. в Закавказье формируются армянские, грузинские, греческие, осетинские, азербайджанские и другие национальные эсеровские организации, которые создают свои филиалы в Тифлисе, Баку, Ереване, Кутаиси, Карсе, Александрополе, Шуше, Батуми и других городах края.

«Второе рождение» партии эсеров относится к периоду после Февральской революции 1917 г.